

# COMUNU DE SCALEPRANU



## **Cuncursu literàriu in língua sarda “Poetendi e Contendi Scalepranu in Poesia - 4<sup>a</sup> editzioni”**

**S'Aministratzioni Comunali de Scalepranu ghetat su bandu po sa de cuatro editzionis de su Cuncursu literàriu “Poetendi e Contendi - Scalepranu in Poesia”.**

### **1. Bandu de su cuncursu -**

A su Cuncursu podint pigai parti poetas e iscridoris cun òperas iscritas in calisiat barianti de sa língua sarda.

Po pòdiri pigai parti a su Cuncursu no si pagat nudda, ma sa partecipzioni cumporat s'arrispetu de totu is normas istabilias in su regulamentu.

Su Cuncursu est dividu in duas setzionis:

- **PRIMA SETZIONI:** “Poesia” e “Prosa” in língua sarda – aberta a totus chentza límitis de edadi;
- **SEGUNDA SETZIONI:** “Poesia ” e “Prosa” in língua sarda – arriservada a is istudentis de is iscolas primària, sigundària e superiori de Scalepranu.

Is òperas no depint èssiri mai istètias pubricadas ne premiadas in àterus cuncursus literàrius.

Si podit pigai parti a una setzioni isceti (cun una poesia o unu contu oghinò cun una poesia e unu contu, presentaus in duas bustas differentis).

Po pigai parti a sa setzioni “Poesia” tocat a presentai una poesia a tema liberu, de no prus de 60 versus.

Po pigai parti a sa setzioni “Prosa” tocat a presentai unu contu o una “novella” de no prus de 10 pàginas.

Is cumponentus depint èssiri arretulaus, iscritus cun su *computer* cumentu documentu *word* carateri *times new roman 12*, no depint èssiri firmaus, ma tocat a ddis pònniri unu **Dìciu** o unu **Paranòmìni**, ispedius o portaus, aintru de una busta serrada, a su Comune aintru de sa dia istabbilia. Aintru de sa busta imparis a su cumponentu, tocat a pònniri fintzas un'àtera busta serrada e chi no siat trasparenti, cun unu fòlliu cun sa firma de s'autori, su nòmìni beru, s'indirizu, nùmuru de telèfunu, su paranòmìni o su dìciu de s'opera presentada e in prus una decrarada innui s'autori impromit de arrispetai, de unu totu, su bandu de su cuncursu e ca su cumponentu presentau est òpera cosa sua, ca no est istétiu mai pubricau in líburus o giornalis, ne mai premiau o sinnalau in àterus cuncursus. Po is cuncurrentis chi no ant cumpriu is dextot'annus, sa ischeda de partecipzioni depit èssiri firmada de su babu o de sa mama.

In foras de sa busta tocat a iscriri a cali setzioni si bolit partecipai (Prosa o Poesia prima setzioni o setzioni arriservada a is istudentis de Scalepranu - Cuncursu literàriu in língua sarda).

Is cumponentus depint arribai a su Comune de Scalepranu a custu indirizu: “Comune de Scalepranu bia Sìndigu Giuanni Carta 18, 08043 ESCALAPLANO (CA)”. Ispedius po mesu de

su serbìtziu postali o portaus in deretura a s'Ufitziu de su Protocollo de su Cumunu aintru de su catodixi de gennaxu de su 2011.

Is òperas ant a dèpiri èssiri mandadas, in prus de sa còpia imprentada cumentis eus giai nau, fintzas in formau digitali (floppy disk o CD ROM) aintru de sa pròpriu busta, oghinò podint èssiri mandadas cun sa posta eletrònica, a s'indirizu e-mail [poetendiecontendi@comune.escalaplano.ca.it](mailto:poetendiecontendi@comune.escalaplano.ca.it) sa e-mail depit portai po oggetu "òpera presentada a sa de cuàtru editzionis de su cuncursu literàriu in lingua sarda".

Si precisat ca sa Cumissioni de su Cuncursu at a averiguai e a valutai, in forma anònima, isceti is òperas imprentadas.

Àterus documentus chi no funt de òbbrigu ma chi s'autori at a bòlliri mandai cumentis: fotografias o pinturas, informatzionis de sei etotu, glossàrius etc. depint èssiri aunius a sa versioni in formau digitali (floppy disk o CD ROM) o a sa e-mail: [poetendiecontendi@comune.escalaplano.ca.it](mailto:poetendiecontendi@comune.escalaplano.ca.it)

No ant a èssiri valutadas is òperas chi presentint in su fòlliu cun su cumponimentu calisiat sinnu, chi potzat fàiri cumprèndi chini est s'autori.

No ant a èssiri valutadas mancu is òperas chi ant a arribai a su Cumunu apustis de sa data istabbilia (su catodixi de gennaxu de su 2011).

Cunfoma a cantu at istabbiliu sa Lei 196\2003 e is modìficas sighentis, sa partecipazioni a su cuncursu cumportat de parti de s'autori, s'autorizazioni a su manixu de is datus personalis po totu su chi pertocat a su cuncursu. Po is chi no tenint ancora dexot'annus at a tènneri balori sa decrarada fata de su babu o de sa mama.

## 2. Prémios

Is òperas ant a èssiri giudicadas de sa Giuria de su cuncursu chi a s'acabbu de is trabballus at a isceddai is primus tres classificaus po dònna setzioni e at a sinnallai is chi funt arresultaus meritevulis. Sa Giuria at a pòdiri donai mentzionis ispecialis e at a tènneri sa facultadi de non donai unu o prus prémios chi no arriconnoscit òperas chi tengant balori. Su parri de sa Giuria no podit èssiri cuntestau. Ant a èssiri premiaus is primus tres classificaus de dònna setzioni.

Is prémios de su cuncursu funt :

SETZIONI PRIMA	SETZIONI SEGUNDA
Aberta a totus chentza de límitis de edadi	Istudentis de sa iscola primària, sigundària e superiori de Scalepranu
<b>a) Setzioni Poesia:</b>	<b>a) Setzioni Poesia:</b>
1 <sup>u</sup> prémio 500 euros	1 <sup>u</sup> prémio 250 euros
2 <sup>u</sup> prémio 300 euros	2 <sup>u</sup> prémio 150 euros
3 <sup>u</sup> prémio 100 euros	3 <sup>u</sup> prémio 50 euros
<b>b) Setzioni Prosa:</b>	<b>b) Setzioni Prosa:</b>
1 <sup>u</sup> prémio 500 euros	1 <sup>u</sup> prémio 250 euros
2 <sup>u</sup> prémio 300 euros	2 <sup>u</sup> prémio 150 euros
3 <sup>u</sup> prémio 100 euros	3 <sup>u</sup> prémio 50 euros

Is autoris premiaus ant a èssiri avvisaus luegus, e ddis at a èssiri comunicau su logu e s'ora de sa premiazioni. Prémios e arriconnoscimentus ant a dèpiri èssiri cunsenniaus in is manus de

s'autori. Chi custu no est possibili, tocat a informai su Cumunu e sa Cumissioni de modu chi su prèmiu potzat èssiri intregau a una persona autorizada cun dèlega de s'autori.

Su Cumunu non si pigat nisciuna arresponsabbilidadi po is prèmius chi no benint arritirus.

Is cumponentus presentaus no ant a èssiri torraus a is autoris, e su Cumunu tenit sa facurtadi de ddus pubricai o de ddus imperai in calisiat atividadi culturali.

Is autoris autorizant a su Cumunu de Scalepranu a pubricai is òperas in is formas e in is médius imperaus oindì, chentza chi ddis ispetit nisciuna arrecumpensa. Intamus, ónnia deretu de *copyright* de su cumponentu abarrat a s'autori de s'òpera.

S'arregorta de is òperas at a èssiri a dispositzioni de totus in sa biblioteca Comunali de Scalepranu. Is cumponentus premiaus ant a èssiri pubricaus in su situ web: [www.comune.escalaplano.ca.it/poetendiecontendi.htm](http://www.comune.escalaplano.ca.it/poetendiecontendi.htm)

### ***3. Calendàriu e programma de sa premiatzioni***

Sa premiatzioni de su Cuncursu s'at a fàiri in s'apostu de su Consillu Comunali de Scalepranu in su mesi de **martzu de su 2011**. Ant a èssiri cumbidau totu is chi ant pigau parti a su Cuncursu, is iscolas e totu is Scalebranesus. Apustis de sa presentada de is arrisultaus de su Prèmiu literàriu, sa Giuria at a decrarai e a premiai is bincidoris, chi ant a pòdiri lìgiri is cumponentus premiaus.